

Broj: 01-37- 7677/12
Sarajevo, 10.12. 2012.godine

KANTONALNIM MINISTARSTVIMA ZDRAVSTVA

SVIMA

PREDMET: OBAVIJEST

Poštovani,

Saglasno članu 221. Zakona o zdravstvenoj zaštiti („Službene novine Federacije BiH“, broj 46/10) komore iz oblasti zdravstva formiraju se kao strukovna udruženja pripadnika jedne profesije za teritoriju kantona i Federacije BiH. Saglasno članu 246. citiranog zakona komore iz oblasti zdravstva bile su dužne uskladiti organizaciju i poslovanje u skladu sa odredbama navedenog Zakona u roku od 24 mjeseca od dana stupanja na snagu istog, tj. do 10.08.2012. godine. Zakon o zdravstvenoj zaštiti prepoznaje slijedeće komore kao strukovna udruženja, i to:

- Komoru liječnika,
- Komoru liječnika - doktora stomatologije,
- Komoru magistara farmacije,
- Komoru medicinskih biohemičara,
- Komoru zdravstvenih tehničara svih profila,
- Komoru diplomiranih medicinskih sestara-tehničara,
- Komoru diplomiranih zdravstvenih inženjera svih profila.

Izuzetno od člana 221. stav 1. alineja dva Zakona o zdravstvenoj zaštiti, stomatološke komore formiraju se za teritoriju kantona i Federacije BiH, a u smislu člana 47. Zakona o stomatološkoj djelatnosti ("Službene novine Federacije BiH", broj 37/12). Naime, stomatološke komore, pored doktora stomatologije, imaju i dva strukovna razreda, i to: strukovni razred zubnih tehničara i strukovni razred stomatoloških sestara-tehničara.

Slijedom gore navedenog, od 10.08.2012. godine mogu egzistirati samo komore iz oblasti zdravstva koje su osnovane na nivou kantona, kao i na nivou Federacije BiH. Izuzetno, navedeni rok od 10.08.2012. godine ne odnosi se na stomatološke komore koje se kao takve formiraju saglasno Zakonu o stomatološkoj djelatnosti i čiji je krajnji rok usklađivanja sa navedenim Zakonom 12 mjeseci od dana stupanja na snagu istog, tj. do 11.05.2013. godine.

O prednjem se obavještavate radi znanja.

S poštovanjem,

MINISTAR
Prof. dr Rusmir Mesihović